

MEP a vota contra Status Aparte Plus ayera den Parlamento

ORANJESTAD(AAN)E mocion cu e fraccion di OLA a presenta ayera den Parlamento, pa duna Aruba un opcion mas cu ta e conservacion di Status Aparte, plus e integracion den Europa, no a pasa pa motibo di e voto negativo di

MEP.

Hopi observador politico a keda babuca di mira e partido cu a lucha pa Status Aparte bira lomba pa un mocion cu tin e intencion di conserva e Status Aparte di Aruba, y ademas logra e integracion di e isla den e comu-

nidad Europeo. Cu su voto, MEP a duna di entente claramente cu e ta para riba su posicion na favor di LGO, cu ta un asunto moribundo. Tur hende cu dos dede di frente, y cu ta bon al tanto di loke ta pasando na Europa sa cu LGO no tin pia pa para ariba mas. Reino Hulandes ta bay dere sin mucho formalidad na aña 2011.

UPG ta un status cu Aruba tin caba den actualidad, pasobra e isla ta un parti di Reino den ultramar. E mocion di OLA a ser presenta, di acuerdo cu e vocero di e partido, "pa duna Aruba un alternativa mas, y uno cu ta di e agrado di Pueblo: Status Aparte Plus." O sea cu e intencion ta pa conserva Status Aparte y mantene intacto, "y alavez duna Pueblo un plus cu ta e integracion di Aruba den Europa."

Un observador politico cu kende DIARIO a conversa ayera a bisa cu e posicion di MEP ta straño, especialmente den un aña di eleccion. Un partido cu semper a boga pa Status Aparte y kier con-

vence hende cu un LGO den ansia di morto lo permiti Aruba conserva Status Aparte, ta vota contra su propio principio di lucha pa mantene Status Aparte. Ta con un cadaver manera LGO por sostene Status Aparte prome cu LGO mes ser dera, no ta conoci pa esnan cu sa algo di e materia.

"AVP y PPA a vota na favor di e mocion pa pone dilanti di Pueblo un alterna-

tiva mas pa loke ta trata su futuro estatal: Status Aparte Plus.

OLA lo sigui cu e lucha pa logra pa Aruba un Status Aparte Plus, segun su vocero oficial. "E voto den Parlamento no tabata necesario pa convence e partido di e importancia di su posicion," el a bisa. "E tabata un prueba pa MEP, y MEP a faya e prueba den bista di henter Pueblo," e vocero a afirma enfaticamente.

Segun Edwin Jacobs

"Status Aparte Plus ta mescos cu bay La Linda"

ORANJESTAD(AAN)Durante e tratamento di e mocion di OLA den Parlamento, Edwin Jacobs, lider di fraccion di MEP, kier a bagateliza e concepto mescos cu den pasado otronan a purba bagateliza e Status Aparte di Betico y MEP! Ta straño cu un lider di fraccion no ta midi su palabranan y ta ofende su mesun hendenan cu a lucha asina fuerte pa logra e Status Aparte cu Aruba tin. Como cu e no tabata tey, ni a conoce Betico Croes, ni e sacrificianan cu a ser haci door di Pueblo pa logra loke awe ta permiti Edwin Jacobs sinta den un Parlamento independiente, e ta laga palabranan ofensivo cay hasta den direccion di un empresa cu ta un institucion na Aruba, o sea La Linda. Pakico e kier rebaha e mocion pa Aruba haya otro alternativa den forma di un Status Aparte Plus, ta comprensible, pasobra eleccion ta dilanti di porta y no por permiti otro partido bin cu e solucion adecuado pa e estructura estatal futuro

di Aruba.

Tambe Edwin Jacobs a menaza cu e lo pasa cas pa cas pa e recorda kico cada integrante di gabinete anterior a haci, lubidando kico e integrantenan di e gobierno aki a haci, y cu su contrincantenan ta mas cu dispuesto pa recorda tur hende na Aruba! Deducccion ta cu su menaza ta dirigi contra e lider di OLA, Glenbert Croes, politico di momento. Ta supone cu e mocion di Status Aparte Plus tabata demasiado pa e traga.

Na e persona cu a bay cu 6 microfon pa ekibocacion


ORANJESTAD (AAN): E grupo di Tipico Poco Loco a perde un tas cu 6 Mike, wayanan di instrument y un wiri. Tambe un cuarta den su caha, un tambu, y tres music stand.

Esey ta loke Benny Panneflek a indica na DIARIO.

Esun cu por a bay cune pa ekibocashon por a yama 567-6567, of 584-6069. Lo tin un recompensa.

Panneflek a finaliza bisando: "Y si acaso abo worde acerca pa cumpra nan, please yama. Mi mes lo cumpra nan back."

WALT DISNEY CRIOYO!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Bandera di
Aruba

2 pa

Afl. 5,=

Ayera
ARRI
rumar
mente
ta ma

Awe
añitos
YEA!
haya
sunch
Roder
tanta
welon
madi
di su
familia
Geer
feliz c